



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

«14» 08 2018թ.

No _____

ք. Երևան, Ս. Դավթի 87Ա

ՈՐՈՇՈՒՄ N 2310/06 - ՆԿ
ԶԿԱՏԱՐՎԱԾ ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԸ ԳԱՆՁԵԼՈՒ ՄԱՍԻՆ

Հայաստանի Հանրապետության պետական եկամուտների կոմիտեի աշխատակազմի իրավաբանական վարչության պետի ժ/պ Ն. Ավանեսյանն քննարկելով <<Աշոտ-Արտաշ>> ՍՊԸ-ի վերաբերյալ վարչական վարույթի նյութերը

ՊԱՐԶԵՑԻ

Համաձայն հարկային մարմնում առկա անձնական հաշվի քարտի տվյալների <<Աշոտ-Արտաշ>> ՍՊԸ-ի (ՀՎՀՀ՝ 02200874, հասցե՝ ք. Երևան, Շենգավիթ, Վ. Շենգավիթ 10 փ., 17/5, գրանցման համար՝ 269.040.00413) հարկային մարմնի կողմից վերահսկվող եկամուտների գծով չկատարված պարտավորությունը 29.06.2018 թվականի դրությամբ կազմել է 730.294 դրամ, որից ապառք՝ 699.491 դրամ, տույժ՝ 30.803 դրամ:

Վերոնշյալ պարտավորության մասով Հայաստանի Հանրապետության պետական եկամուտների կոմիտեի աշխատակազմի իրավաբանական վարչությունում, համաձայն «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի, հարուցվել է վարչական վարույթ <<Աշոտ-Արտաշ>> ՍՊԸ-ի չկատարված հարկային պարտավորությունները գանձելու վերաբերյալ՝ վարչական ակտ ընդունելու նպատակով, որի մասին հարկ վճարողը 26.07.2018 թվականին պատշաճ կերպով ծանուցվել է, ներկայացել է վարույթի նյութերին ծանոթանալու համար, նշվածի վերաբերյալ որևէ առարկություն չի հայտնել և վաճարում չի կատարել:

Արդյունքում սույն որոշմամբ գանձման ենթակա օրենքով սահմանված ժամկետում չկատարված հարկային պարտավորությունը կազմում է **730.294** դրամ, որից ապառք՝ 699.491 դրամ, տույժ՝ 30.803 դրամ, այդ թվում՝

եկամտային հարկի գծով պարտավորությունը կազմում է 475.016 դրամ, որից ապառք՝ 461.150 դրամ, տույժ՝ 13.866 դրամ, որն առաջացել է 2018 թվականի ապրիլ-մայիս ամիսների եկամտային հարկի և սոցիալական վճարի ամսական հաշվարկներից, ինչպես նաև ՀՀ հարկային օրենսգրքի 401-րդ հոդվածի համաձայն հաշվարկված տույժերից,

շրջանառության հարկի գծով պարտավորությունը կազմում է 255.278 դրամ, որից ապառք՝ 238.341 դրամ, տույժ՝ 16.937 դրամ, որն առաջացել է 2018 թվականի 1-ին

եռամսյակի հաշվարկից, ինչպես նաև ՀՀ հարկային օրենսգրքի 401-րդ հոդվածի համաձայն հաշվարկված տույժերից:

Գանձման ենթակա չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր:

ՀՀ հարկային օրենսգրքի 4-րդ հոդվածի 1-ին մասի 1-ին կետը սահմանում է, որ հարկը պետական և (կամ) հասարակական կարիքների բավարարման նպատակով Հայաստանի Հանրապետության պետական և (կամ) համայնքների բյուջեներ վճարվող պարտադիր և անհատույց գումար, որը վճարվում է հարկ վճարողների կողմից՝ Օրենսգրքով սահմանված կարգով, չափերով և ժամկետներում: Համաձայն «Հայաստանի Հանրապետության 2018 թվականի պետական բյուջեի մասին» ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում նույն օրենքով նախատեսված հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով հարկային պարտավորությունների գանձման կարևորագույն հանրային նշանակությունը՝ **սույն որոշումը ենթակա է անհապաղ կատարման:**

Սույն որոշումը անհապաղ չկատարելը բավարար հիմք է տալիս ենթադրելու, որ հարկ վճարողը կարող է թաքցնել, փչացնել կամ սպառել հարկային մարմնի ընդունած իրավական ակտի կատարման համար անհրաժեշտ գույքը, ինչի արդյունքում հարկային մարմնի ղեկավարը ՀՀ Հարկային օրենսգրքով սահմանված կարգով իրավունք ունի հարկ վճարողի գույքի վրա արգելանք դնելու մասին հանձնարարագիր հրապարակել:

Վերոգրյալի հիման վրա, ղեկավարվելով ՀՀ հարկային օրենսգրքի 398 հոդվածի 5-րդ կետով, «Հարկային ծառայության մասին» ՀՀ օրենքի 4-րդ հոդվածի 9-րդ մասով, ինչպես նաև «Վարչարարության հիմունքների և վարչական վարույթի մասին» ՀՀ օրենքի 55, 56, 58, 88 հոդվածներով՝

ՈՐՈՇԵՑԻ

1. «Աշոտ-Արտաշ» ՍՊԸ-ից գանձել **730.294** դրամ պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ԴԱՀԿ ծառայություն:
3. Որոշման օրինակը եռօրյա ժամկետում ուղարկել հարկ վճարողին:
4. Սույն որոշումն ուժի մեջ է մտնում «Վարչարարության հիմունքների և վարչական վարույթի մասին» ՀՀ օրենքի 59 հոդվածով սահմանված կարգով՝ իրազեկելուն հաջորդող օրվանից:

5. Սույն որոշումը կարող է բողոքարկվել վարչական մարմին, կամ վերադաս վարչական մարմին՝ «Վարչարարության հիմունքների և վարչական վարույթի մասին» ՀՀ օրենքի 70-րդ և 71-րդ հոդվածներով սահմանված կարգով՝ ուժի մեջ մտնելու օրվանից երկամսյա ժամկետում կամ ՀՀ վարչական դատարան:

ԻՐԱՎԱԲԱՆԱԿԱՆ

ՎԱՐՉՈՒԹՅԱՆ ՊԵՏՐ Ժ/Պ



Ն. ԱՎԱՆԵՍՅԱՆ

Ստացա որոշման օրինակը

ստորագրություն

հարկ վճարողի /կամ ֆիզ. Անձի/ պաշտ անձի անուն ազգանուն

ամսաթիվ

Կապ.՝ Գալյանե Թադևոսյան

ԻՎ ՀԳ բաժին, հեռ. 011549191 /91-65/